

ADRODDIAD BLYNYDDOL
CYNGOR CYMUNED
LLANGRANNOG



2022 / 2023

Rhagair gan Gadeirydd y Cyngor Cymuned	3
Rôl a Swyddogaethau'r Cyngor	4
Aelodaeth o'r Cyngor	7
Gwaith y Cyngor 2022 /2023	9
Blaenoriaethau ar gyfer y dyfodol	12
Mynychu'r Cyngor / Cysylltwch â ni	13

Rhagair gan Gadeirydd y Cyngor Cymuned

Mae'n bleser gennyf gyflwyno adroddiad blynyddol Cyngor Cymuned Llangrannog. Mae'n rhoi trosolwg o waith y Cyngor yn ystod y cyfnod rhwng 1 Ebrill 2022 a 31 Mawrth 2023.

Bu'r Cyngor Cymuned yn cwrdd yn fisol trwy gyfuniad o gyfarfodydd Zoom, hybrid a wyneb yn wyneb. Diolch i'r dechnoleg am hwyluso'r drefn.

Hoffwn ddiolch i aelodau'r Cyngor am eu cefnogaeth a chyfraniad i'r Cyngor Cymuned yn ystod y flwyddyn ddiwethaf. Diolch hefyd i'r cyhoedd am eu rhyngweithio gyda'r Cyngor sy'n sicrhau bod y Cyngor yn ymateb i unrhyw bryderon yn effeithiol.

Cynghorydd Wendy Roberts

Cadeirydd Cyngor Cymuned Llangrannog 2022 / 2023

2

Rôl a Swyddogaeth y Cyngor

Rôl y Cyngor

Gwaith a wneir gan y Cyngor Cymuned

Y Cyngor Cymuned yw'r haen isaf o lywodraeth leol ac mae agosaf at y cyhoedd o ran diwallu anghenion lleol. Mae gan y Cyngor nifer o hawliau a dyletswyddau statudol.

Mae'r Cyngor Cymuned yn gwneud sylwadau ar geisiadau cynllunio cyn i Gyngor Sir Ceredigion benderfynu arnynt. Maent yn darparu cyllid ar gyfer digwyddiadau, clybiau a gwasanaethau yn y Gymuned. Cyflogir contractwyr hefyd i wneud gwaith arbenigol megis atgywirio a chynnal a cadw h.y. torri glaswellt.

Mae'r Cyngor yn penodi aelod i eistedd ar gorff Llywodraethu'r Ysgol Gynradd leol.

Beth yw strwythur y Cyngor?

Darperir rhestr o'ch cynghorwyr lleol ar y dudalen nesaf. Mae gan y Cyngor Cymuned 10 Cynghorydd nad ydynt yn cynrychioli unrhyw blaid wleidyddol. Cânt eu hethol bob 4 blynedd. Cyflogir Clerc/Swyddog Ariannol rhan-amser i ymdrin â'r holl drefniadau ar gyfer cyfarfodydd a pharatoi agenda i ymdrin â'r cofnodion a materion ariannol a gweinyddol sy'n gysylltiedig â gweithredu gwaith y Cyngor.

Sut mae'r Cyngor yn gweithio?

Bydd unrhyw waith a wneir gan y Cyngor yn cael ei weithredu yn dilyn penderfyniadau a wneir mewn cyfarfodydd agored. Telir am unrhyw waith gydag arian cyhoeddus y mae'r Cyngor yn ei dderbyn drwy godi praesept sy'n rhan o'r Dreth Gyngor a bennir gan Gyngor Sir Ceredigion.

Beth yw praesept y Cyngor?

Yn 2022/23 pennir praesept y Cyngor ar £10,000.00 Codir y praesept i ariannu cyfrifoldebau'r Cyngor Cymuned gan gynnwys torri glaswellt a chynnal a chadw diffibrilwyr a chyfraniadau i sefydliadau lleol.

Mae'r praesept yn cyfrif am £21.36 fesul eiddo (Band D).

Ildiodd pob cynghorydd eu taliad lwfans blynyddol o £150 ym 2022/2023.

A all y cyhoedd fynychu'r cyfarfodydd?

Ar bob cyfrif. Mae croeso i chi fynychu ein cyfarfodydd hybrid fel gwrandawyr yn unig – a byddem yn annog hynny. Fedrwch gysylltu â'r Clerc am fanylion / linc i'r cyfarfod. Nid oes gan aelodau'r cyhoedd hawl i gymryd rhan yn nhrefodaethau'r Cyngor na rhoi eu barn yn ystod y cyfarfod – fodd bynnag, efallai y bydd amgylchiadau eithriadol lle caniateir i'r cadeirydd alw am gyfraniad gan y cyhoedd ac iddynt wneud datganiad. Cynhelir cyfarfodydd y Cyngor yn fisol, ac eithrio mis Awst, ac fe'u cynhelir fel arfer ar nos Lun gyntaf yn y mis yn Neuadd Goffa Pontgarreg.

Cyfarfod Blynyddol

Mae'r cyfarfod blynyddol yn rhwymedigaeth gyfreithiol fel y nodwyd yn Neddf Llywodraeth Leol 1972. Rhaid cynnal y cyfarfodydd blynyddol ym mis Mai. Y Cyngor sy'n penderfynu ar y dyddiad. Yr eitem gyntaf ar yr agenda yw ethol Cadeirydd y Cyngor Cymuned am y deuddeg mis nesaf.

Etholiad

I gael ei ethol yn Gyngorydd rhaid i aelod fod yn gymwysedig o dan y gyfraith, bod yn Ddinesydd Prydeinig a rhaid iddo fod wedi cyrraedd 21 oed.

Rhaid i'r ymgeisydd hefyd fod yn-

- etholwr llywodraeth leol
- wedi meddiannu, yn ystod y deuddeg mis cyfan cyn y diwrnod hwnnw, fel perchennog neu denant unrhyw dir neu fangre arall yn yr un ardal
- mae'r pennaeth, neu'r unig le gwaith, yn ystod deuddeg mis cyn yr etholiad, wedi bod yn y maes hwnnw.
- yn byw yn ystod y deuddeg mis cyfan yn yr ardal honno, neu o fewn tair milltir i'r ardal honno

3

Aelodaeth o'r Cyngor 2022/2023

Mae gan Gyngor Cymuned Llangrannog 10 Cynghorydd

Aelod o'r Cyngor	Tymor y Swydd	Tymor fel Cadeirydd & Is-gadeirydd
1. Cynghorydd Wendy Roberts	05/05/22 -	Cadeirydd Mai 2022 - Mai 2023
2. Cynghorydd Cynyr Ifan	05/05/22 -	Is-gadeirydd Mai 2022 - Mai 2023
3. Cynghorydd Deio Evans	05/05/22 -	
4. Cynghorydd Gari Jones	05/05/22 -	
5. Cynghorydd Heledd Clayton	05/05/22 -	
6. Cynghorydd Lynn Davies	05/05/22 -	
7. Cynghorydd Mair Evans	05/05/22 -	
8. Cynghorydd Morlais Davies	05/05/22 -	
9. Cynghorydd Gareth Jones	05/05/22 -	
10. Sedd wag		

Perthynas gyda Chyngor Sir Ceredigion

Mae'r Cyngor yn gweithio'n agos gyda'n Cynghorydd Sir sy'n mynychu ein cyfarfodydd. Mae e'n gefnogol wrth ymdrin ag ymholiadau gan drigolion mewn perthynas â gwasanaethau, cyflwr ffyrdd ac unrhyw faterion sy'n effeithio ar drigolion.

Gwefan y Cyngor Cymuned – www.ccllangrannog.org

Mae gan y Cyngor wefan lle mae holl agenda a chofnodion cyfarfodydd yn cael eu cyhoeddi, ynghyd â gwybodaeth ariannol, manylion canlyniadau archwilio mewnol ac allanol a pholisiau'r Cyngor.

4

Gwaith y Cyngor ym 2022/2023

Prosiect Gardd Gymunedol Cranogwen.

Yn y cyfarfod a gynhaliwyd ar 9fed o Ionawr 2023, penderfynwyd cyfrannu £1,000 i Bwyllgor Lles Llangrannog tuag at gost o adnewyddu Gardd Gymunedol Cranogwen at diben penodol o ail-adeiladu'r grisiau i'r ardd gymunedol isaf, er budd diogelwch.

Maes Parcio Llangrannog

Pwrcaswyd arwyddion sy'n hysbysu defnyddwyr y maes parcio am y cyfnod gras o 10munud (o amser mynediad i'r maes parcio) sydd ganddynt i dalu am barcio, er mwyn osgoi dirwy.

System Hybrid Newydd.

Cytunwyd i ariannu'r gost o ddarparu offer hybrid newydd yn Neuadd Goffa Pontgarreg er mwyn cynnal cyfarfodydd hybrid yno.

Cefnogi Pwyllgor Cae Cymunedol Pontgarreg

Cyfrannwyd £1,500 i Bwyllgor y Cae Cymunedol er mwyn iddynt fedru cyflogi contractwr i dorri'r glaswellt ym 2022.

Diffibriliwr Neuadd Pontgarreg

Darparwyd 'cabinet' newydd er mwyn lleoli'r peiriant.

Rhaglen Hyfforddiant

Rhoddwyd cynllun hyfforddiant newydd ar waith yn ystod 2022/23 i sicrhau bod yr holl gynghorwyr yn gwbl ymwybodol o brosesau a chyfrifoldebau'r aelodau a'r Cyngor.

Polisiau'r Cyngor Cymuned

Mabwysiadwyd nifer o bolisiau newydd yn ystod y flwyddyn.

Ceisiadau Cynllunio

Caiff Ceisiadau Cynllunio eu hystyried ym mhob cyfarfod ac anfonir sylwadau at yr Adran Gynllunio yn unol â hynny.

Rhoddion Ariannol

1. Cae Cymunedol Pontgarreg (**Adran 137**)
2. Gofal Marie Curie (**Adran 137**)
3. Neuadd Pontgarreg – **offer cyfarfodydd Hybrid (Adran133)**
4. Pwyllgor Lles Llangrannog – Yr Ardd Gymunedol (**Adran 137**)

5

Blaenoriaethau ar gyfer y dyfodol

Y meysydd blaenoriaeth y dylai Cyngor Cymuned Llangrannog eu hystyried yn 2023/24

- Cefnogi Pwyllgor Gardd Gymunedol Cranogwen
- Cefnogi Pwyllgor Cae Cymunedol Pontgarreg
- Sicrhau parhad a dilyniant gyda'n Rhaglen Hyfforddiant
- Darparu toiledau yn ystod tymor yr haf ym Maes Parcio Troedrhiwgam, Llangrannog (mewn cyd-weithrediad â Chyngor Sir Ceredigion)

6

Mynychu Cyngor Cymuned Llangrannog / Cysylltwch â Ni

Mynychu cyfarfodydd Cyngor Cymuned Llangrannog

Mae'r Cyngor yn awyddus i weld aelodau'r cyhoedd yn mynychu Cyngor Cymuned Llangrannog.

Ac eithrio eitemau cyfrinachol, cedwir pob busnes yn gyhoeddus.

Cyhoeddir yr holl bapurau agenda cyhoeddus ar-lein 3 diwrnod gwaith cyn y cyfarfod.

Mae modd mynychu cyfarfodydd wyneb yn wyneb neu'n rhithiol.

Os hoffech fynychu cyfarfod, cysylltwch â'r Clerc os gwelwch yn dda.

Cysylltwch â ni

Mrs Sioned Davies, (Clerc)

Fronhaul,
13 Bro Gido,
Gilfachreda,
Ceredigion.
SA45 9SR.

Wefan:-

<https://www.ccllangrannog.org/index.php/cy/>

Gwybodaeth Cyngorwyr

<https://www.ccllangrannog.org/index.php/cy/cynghorwyr>